



BOSNIA AND HERZEGOVINA
MINISTRY OF FINANCE
AND TREASURY

Broj: 05-02-01-1461-1/12
Sarajevo, 15.02.2012. godine

Na osnovu člana 12. stava (5) Zakona o finansiranju institucija Bosne i Hercegovine („Službeni glasnik BiH“, broj 61/04 i 49/09), Ministarstvo finansija i trezora Bosne i Hercegovine donosi sljedeće:

INSTRUKCIJE

o načinu izrade operativnog plana za izvršavanje Budžeta institucija Bosne i Hercegovine za 2011. godinu i o načinu praćenja programa posebnih namjena

I. OPĆE ODREDBE

1. Ovim instrukcijama Ministarstvo finansija i trezora BiH propisuje procedure i postupke izrade operativnog plana za izvršavanje Budžeta institucija Bosne i Hercegovine (u daljnjem tekstu: Budžet) i način praćenja programa posebnih namjena, u skladu sa Zakonom o budžetu institucija Bosne i Hercegovine i međunarodnih obaveza Bosne i Hercegovine za 2011. godinu (u daljnjem tekstu: Budžet institucija BiH) za institucije Bosne i Hercegovine (u daljnjem tekstu: budžetski korisnici), koji finansijsko poslovanje obavljaju putem Jedinog računa trezora Bosne i Hercegovine (u daljnjem tekstu: JRT).

II. OPERATIVNO PLANIRANJE

2. Ministarstvo finansija i trezora BiH i budžetski korisnici za fiskalnu 2011. godinu obavezni su pridržavati se odredaba iz „Instrukcije o načinu izrade operativnog plana za izvršavanje Budžeta institucija Bosne i Hercegovine za 2010. godinu i o načinu praćenja programa posebnih namjena“ broj 01-05-16-3-1/10.
3. Izuzetno od stava 2. ove instrukcije, nakon usvojenog Zakona o budžetu institucija BiH i međunarodnih obaveza BiH za 2011. godinu, obavezuju se budžetski korisnici da Ministarstvu finansija i trezora BiH na osnovu **Obavještenja**, dostavljene budžetskim korisnicima o odobrenim alokacijama budžetskih sredstava u usvojenom Budžetu institucija BiH za 2011. godinu, dostave sljedeće **tabele** operativnog/dinamičkog plana:
 - *Pregled ukupno odobrenog budžeta po sintetičkim i analitičkim ekonomskim kategorijama i rasporedu po mjestu potrošnje (neposredna potrošnja*

budžetskog korisnika i po planiranim programima posebne namjene) – tabela 1., za Tekuće izdatke i Kapitalne izdatke. Za Tekuće grantove neophodno je navesti nazive grantova i odobreni iznos i iste iskazati u okviru neposredne potrošnje budžetskog korisnika ili programa posebne namjene ukoliko se na iste odnose;

- *Pregled rasporeda ukupnog budžeta po sintetičkim ekonomskim kategorijama i mjesečnoj dinamici potrošnje – tabela 2.;*
- *Pregled rasporeda dijela budžeta za neposrednu potrošnju budžetskog korisnika (isključujući programe posebne namjene) – dinamika neposredne potrošnje po mjesecima na sintetičkim ekonomskim kategorijama – tabela 3.;*
- *Pregled rasporeda dijela budžeta za programe posebnih namjena planiranih u Budžetu – dinamika potrošnje za planirane programe posebnih namjena po mjesecima na sintetičkim ekonomskim kategorijama – tabela 4.;*
- *Pregled rasporeda dodanih namjenskih sredstava za program posebne namjene (donacije, udružena sredstva, višegodišnja kapitalna ulaganja, namjenska sredstva i tekuća rezerva) – dinamika potrošnje za program posebne namjene po mjesecima na sintetičkim ekonomskim kategorijama – tabela 5.*

*Rashode i izdatke iskazati po sintetičkim ekonomskim kategorijama na četiri cifre i u cijelim iznosima, kako je naznačeno u tabelarnim obrascima, izuzev **tabele 1.** u kojoj treba iskazati raspored ukupnog Budžeta institucija BiH **na sintetičkim kategorijama, u skladu s odobrenim Budžetom, i posebna tabela 1. na analitičkim ekonomskim kategorijama** (na šest cifri) čije sume daju iznose na sintetičkim kategorijama. Budžetski korisnici, koji nemaju programe posebne namjene sačinjavaju tabelu 1. i tabelu 3., a budžetski korisnici, koji u izvršavanju svog budžeta imaju potrebu posebnog praćenja rashoda za planirane programe posebne namjene, uradit će tabele (od 1 do 4), koje su u prilogu ovih instrukcija. Dinamika po mjesecima može se korigovati samo za neposrednu potrošnju pod mjesecom decembrom 2011. godine, i to radi usklađivanja konačno usvojenog Budžeta institucija BiH za 2011. godinu po svim pozicijama. **Tabelu 4. potrebno je popuniti posebno za svaki program posebne namjene prema iznosima planiranim u Budžetu institucija BiH za 2011. godinu na nivou ostvarenja za 2011. godinu.** Tabelu 5. dostaviti uz zahtjev za prenos neutrošenih namjenskih sredstava iz 2011. godine u 2012. godinu, odnosno uz svaki zahtjev za unos namjenskih raspoloživih sredstava, koja nisu planirana u Budžetu institucija BiH za 2011. godinu.*

Svi su budžetski korisnici uz tabelarne preglede obavezni dostaviti Ministarstvu finansija i trezora i **Obrazloženje** u kojem će navesti razloge tako urađenih operativnih planova, s posebnim osvrtom na programe posebnih namjena.

III. PROGRAMI POSEBNE NAMJENE

4. Izuzetno od stava 2. ove instrukcije, rashode i izdatke **Programa posebnih namjena i višegodišnjih kapitalnih projekata planiranih u Budžetu institucija BiH za 2011. godinu**, budžetski su korisnici obavezni iskazati posebno u tabeli 4. operativnog plana, u skladu s odobrenim sredstvima i pozicijama u usvojenom Zakonu o budžetu institucija BiH i međunarodnih obaveza za 2011. godinu, koji se temelji na nivou ostvarenja za 2011. godinu. Razlika do ukupnih raspoloživih sredstava programa posebnih namjena za namjenska sredstva i višegodišnje kapitalne projekte, koja nisu uključena u Budžet za 2011. godinu, predstavlja podatke koji se iskazuju u tabeli 5. operativnog plana. Za programe posebnih namjena, koji nisu uključeni u Budžet, budžetski su korisnici obavezni iskazivati na tabeli 5. operativnog plana prema dostavljenim zahtjevima za unos namjenskih sredstava na projektni kod u ISFU, a njihovo izvršenje rashoda i izdataka dodaje se izvršenim i budžetom planiranim sredstvima.
5. **Prilikom evidentiranja rashoda i izdataka planiranih po programima posebnih namjena, budžetski su korisnici obavezni prije unosa faktura kontrolisati planske veličine dostavljene Ministarstvu finansija i trezora BiH raspoređene u tabelama 4. i 5. operativnog plana.**

V. ZAVRŠNE ODREDBE

6. Ove instrukcije dostaviti svim institucijama Bosne i Hercegovine – budžetskim korisnicima i iste objaviti na web-stranici Ministarstva finansija i trezora BiH. Instrukcije stupaju na snagu danom donošenja, a primjenjivat će se za fiskalnu 2011. godinu.

PRILOG:
Tablice 1-5

MINISTAR

dr. Nikola Špirić, s.r.